

SA's Leading Past Year

Exam Paper Portal



You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za





basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LESITSATFU (P3)

INKHWEKHWETI/INHLABA 2025

TICONDZISO TEKUMAKA

EMAMAKI: 100

Leticondziso tekumaka tinemakhasi la-11.



SIGABA A: INDZABA**UMBUTO 1: KUBHALWA KWENDZABA (340–390 emagama) (50 emamaki)**

CAPHELA: Kuyo yonkhe imibhalo cikelela linani lemagama lelimisiwe. Indzaba lephatselene nesitfombe ayinikwe sihloko.

1.1 Bengitsi sengiphumile ...**LOKUBALULEKILE:**

- Umhlolwa kulindzeleke kutsi abhale ngetintfo labecabanga kutsi sewuphumile kuto lokungenteka leto tintfo timphatsa kahle nobe kabi.
- Umhlolwa kulindzeleke kutsi anike tizatfu letimente wabuyela etintfweni labetayele kutenta.
- Indzaba kungenteka ilandzise/ichaze/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]**1.2 Kudlalwa kwemidlalo leyahlukahlukene etikolweni****LOKUBALULEKILE:**

- Umhlolwa kulindzeleke kutsi abhale ngetinhlobo temidlalo letahlukahlukene lesetikolweni.
- Umhlolwa angaveta kubaluleka kanye nemakhono lavelako lahlukene kubantwana etikolweni.
- Indzaba kungenteka ichaze/ilandzise/ivete limuva lembhali.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]**1.3 Tinsita tamahhala tahulumende letiphakelwa imimango****LOKUBALULEKILE**

- Umhlolwa kulindzeleke kutsi abhale ngetinsita tamahhala letiphakelwa nguhulumende.
- Umhlolwa akavete tinkinga taphambilini naletikhona emimangweni kanye netinhlobo tebantfu labahlomula kuleto tinsita.
- Indzaba kungenteka ivete limuva lembhali/ilandzise/ichaze/**lbe nhlangotsimbili/hlangotsi lunye**.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

1.4 **Kusetjentiswa kwe-inthanethi ekwelekeleleni kufundza nekufundzisa****LOKUBALULEKILE:**

- Umhlolwa kulindzeleke kutsi abhale ngendlela lekusetjentiswa ngayo i-inthanethi kwelekelela kufundza nekufundzisa.
- Umhlolwa angaveta lokuhle nobe tinkinga letiba khona uma kufundvwa nobe kufundziswa.
- Indzaba kungenteka ibe nhlangotsimbili/ichaze/ilandzise.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama

[50]1.5 **Bafundzi abakhokhele tindleko tesikolo. Vumela nobe uphikise lesitatimende.****LOKUBALULEKILE:**

- Umhlolwa kulindzeleke kutsi akhetse lunye luhlangotsi abhale ngalo angagudluki ite ifike esiphetfweni indzaba yakhe.
- Akavete tizatfu letimenta avume kutsi kubhadalwe tindleko nobe aphikise kutsi tindleko tesikolo tikhokhelwe.
- Indzaba kungenteka ibe hlangotsilunye/ichaze/ilandzise/**ivate limuva lembhali.**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]

- 1.6 Tonkhe tindzaba letiphatselene netitfombe tingatsatsa nobe nguluphi luhlobo
 1.7 lwenzaba: indzaba kungenteka ilandzise/ichaze/ibe hlangotsilunye/ibe
 1.8 nhlangotsimbili/ivate limuva lembhali.

LOKUBALULEKILE:

- Umhlolwa kulindzeleke kutsi avete emaphuzu lavakalako lahambelana nesitfombe, angagudluki kuso.
 - 1.6 Sib. Bahlolwa bangabhala ngemincintiswano nemiklomelo labayitfolako/Imphumelelo/Umncintiswano lengaphumelela kuwo.
 - 1.7 Sib. Bahlolwa bangabhala ngetinsita tamasipala/Kweswelakala kwemanti/Somiso lesihlasela ummango/**Libhizinisi leliphatselene nalokusesitfombeni.**
 - 1.8 Sib. Bangabhala ngelusito lolutfolakala emtfolamphilo/kugonywa kwebantfwana/kugcwala kwemitfolamphilo/**Kubhalisa imali yesondlo/sitfiketi sekutalwa kwebantfwana.**
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

[50]**CAPHELA: Kwabiwa kwemamaki: (Bona irubhriki)**

SIGABA B: EMATHEKSTHI EMIBHALOMBIKO

**UMBUTO 2: IMIBHALOMBIKO (100–120 emagama itheksthi ngayinye)
(50 emamaki)**

2.1 INKHULUMOMPHENDVULWANO**SAKHIWO: LOKUCUKETFWE**

Inkhulumomphendvulwano ayifake loku lokulandzelako:

- Singeniso, umtimba nesiphetfo.
- Luhlaka. (Emagama alabakhulumako abhalwa ngasesandleni sesancele bese kufakwa ikholoni, bokhulunyiwe abafakwa. Lokwentekako kubhalwa kubakaki.)
- Kusetjentiswa inkhulumongco.

LOKUBALULEKILE:

- Akube ngumhlolwa nagogo wakhe labakhulumako.
- Akukhulunywe ngendzaba yemali yempesheni leseiyitfolakele nenjabulo labanayo.
- Akubhalwe sendlalelo senkhulumomphendvulwano ngembikwekuyibhala.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)

[25]

2.2 UMLANDVOMUFI**SAKHIWO: LOKUCUKETFWE**

Umlandvomufi awufake loku lokulandzelako:

- Singeniso, umtimba nesiphetfo.
- Sihloko semlandvomufi. Sib. Umlandvomufi wa ... (Ligama nesibongo semufi.)
- Ligama nesibongo semufi nelusuku latalwa ngalo.
- Indzawo latalwa kuyo nalashonele kuyo.
- Batali bakhe, (sebashona/basaphila.)
- Wesingaki ekhaya ngekutalwa.
- Imfundvo yakhe.
- Umsebenti wakhe.
- Indlela nelusuku lashone ngalo.
- Umndeni wakhe lawushiya emhlabeni.
- Emavi ekumvalelisa. (Sib. Lala ngekuthula/Tinanatelo temufi njll.)



LOKUBALULEKILE:

- Umlandvomufi awuvete kushona kwemsakati lobekavakashela ummango wemhlolwa.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

2.3

INCWADZI YEBUHLOBO**SAKHIWO: LOKUCUKETFWE****Incwadzi yebuhlobo ayifake loku lokulandzelako:**

- Singeniso, umtimba nesiphetfo.
- Likheli linye leliphelile lelingakafakwa timphawu tekufundza nekubhala lelisesandleni sekudla.
- Kweciwa umugca embikwesibingelelo.
- Sibingelelo sencwadzi. (Sibingelelo kufanele sivete buhlobo lobukhona emkhatsini walobhalako nalobhalelwako. Sib. Mnaketfu/Mandlakayise)
- Kweciwa umugca ngembikwesingeniso.
- Singeniso lesetfula loko lekutawucocwa ngako.
- Kweciwa umugca emuva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loko lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokuhambelana nesibingelelo. (Sivaleliso kufanele sivete buhlobo lobukhona emkhatsini walobhalako nalobhalelwako. Sib. Ngimi umnakenu.)
- Sibongo asifakwa.

LOKUBALULEKILE:

- Incwadzi ayivete kuvelana kwemhlolwa nemnakabo ekuguleni. Akuvele nekumkhutsata kutsi achubeke anatse emaphilisi kute abalekele bungoti bekuwayekela.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

2.4 **SIHLATIYWA****SAKHIWO: LOKUCUKETFWE****Sihlatiywa asifake loku lokulandzelako:**

- Singeniso, umtimba nesiphetfo
- Sihloko sesihlatiywa.
- Sihloko semdlalo lolalelwe, ligama lembhali neligama lemsakato lawulalele.
- Akuvetwe badlali labakhulu kulenkhundla yalomdlalo lawulalele. (Labangedluli kulabane.)
- Sifinyeto sesakhiwo salomdlalo.
- Ingcikitsi yalomdlalo.
- Imibono yemhlolwa ngalengkundla yemdlalo lawulalele (Tincomo.)

LOKUBALULEKILE:

- Sihlatiywa asiphatselane nenkhundla yemdlalo lawulalele wawutsandza.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**2.5 **INCWADZI YEMTSETFO****SAKHIWO: LOKUCUKETFWE****Incwadzi yemtsetfo ayifake loku lokulandzelako:**

- Singeniso, umtimba nesiphetfo.
- Emakheli aba mabili langakafakwa timphawu tekufundza nekubhala. (Lalohlolwako liba sesandleni sekudla, lalobhalelwako libe sesandleni sesancele, ehlukaniswe ngumugca emkhatsini wawo.)
- Likheli lesibili lifakwa sikhundla salobhalelwako. (Sib. Mninindzawo)
- Kweciwa umugca ngembikwesibingelelo.
- Sibingelelo sencwadzi. (Sibingelelo kufanele sivete bulili balobhalelwako. Sib. Mnumzane/Nkhosatana)
- Kweciwa umugca ngemuva kwekubingelela.
- Sihloko sendzaba lekutawukhulunywa ngaso.
- Kweciwa umugca ngemuva kwesihloko.
- Singeniso lesetfula loku kutawucocwa ngako ngelulwimi loluhlelekile.
- Kweciwa umugca ngemuva kwaleyo naleyo ndzima.
- Tindzima letinemicondvo lebumbene.
- Kweciwa umugca ngembikwesiphetfo.
- Siphetfo lesisonga loku lebekucocwa ngako emtimbeni wencwadzi.
- Kweciwa umugca ngembikwekuvalelisa.
- Kuvalelisa lokutitfobako lokuhambelana nesibingelelo. (Sib. Ngimi lotitfobako)
- Kubhalwa ligama nesibongo.



LOKUBALULEKILE:

- Incwadzi yemhlolwa ayivete umonakalo lobekhona ngenca yemvula.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

2.6

UMBIKO LOHLELEKILE**SAKHIWO: LOKUCUKETFWE****Umbiko ufaka loku lokulandzelako:**

- Singenisiso, umtimba, nesiphetfo.
- Ligama lalobhalelwa lombiko. (**Uya ku...**)
- Ligama lalobhale lombiko. (**Ubuya ku...**)
- Lusuku lobhalwe ngalo. (**11 Inhlaba 2025**)
- Sihloko. (**Umbiko ngemcimbi wekutfutukisa sikhwama.**)
- Umongo wembiko.
- Lokucuketfwe ngulombiko.
- Indlela yekutfola lwati.
- Lokutfolakele.
- Tincomo/Tiphakamiso.
- Siphetfo.
- Emavi ekubonga.

LOKUBALULEKILE:

- Umbiko awuphatselane nemcimbi webaculi lobewukhona emmangweni wemhlolwa.
- Umhlolwa akacikelele kusetjentiswa kwerejista lefanele, kukhetfwa kwemagama, kwakhiwa kwemisho, kubhalwa kwetindzima, tiphumuti nelupelomagama.

CAPHELA: Kwabiwa kwemamaki: (Bona irubhriki)**[25]**

SAMBA SESIGABA B: 50
SAMBA SAKO KONKHE: 100



CAPHELA:

- Sebentisa irubhriki njalo nawumaka indzaba (Liphepha le-3, SIGABA A).
- Emamaki lasukela ku-0–50 ehlukane ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusilele naLokungaphumelelisi.)
- Kulitimpahawu taLokucuketfwe, Lulwimi neSitayela, letinchazelo temakhono letishlanu tehlukane ngekwelizinga lelisetulu ngalokubababatekako nelizinga lelisetulu ngalokubababateki.
- Sakhiwo sona asitsintseki ngalokwehlukane kwelizinga lelisetulu ngalokubababatekako nelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI]

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE	28–30	22–24	16–18	10–12	4–6
NEKUHELELA	-Imphendvulo lengemalengiso lababateka ngetulu kwalokulindzelekile -Imibono ivutsiwe, inekuhlakanipha, lokukhombisa kucabanga lokujulile. -Kuhleleka kungemalengiso lababatekako, kubumbene nesingeniso, umtimba kanye nesiphetho.	-Imphendvulo lesecophelweni lelisetulu ngalokubababatekako -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	-Imphendvulo leyenetisako -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	-Imphendvulo lengakabumbani -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	-Yonkhe imphendvulo iyanhlahlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
LIZINGA LEKUBABATEKAKO	25–27	19–21	13–15	7–9	0–3
LIZINGA LEKUBABATEKAKO	-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso, kubumbene nesingeniso, umtimba nesiphetho.	-Imphendvulo lesecophelweni lelisetulu -Imibono iyaheha, ihambisana nesihloko -Kuhleleka lokusecophelweni lelisetulu lokubumbene nesingeniso, umtimba nesiphetho.	-Imphendvulo leyenetisako kodvwa kukhona lokungevakali kahle -Imibono ibumbene, iyakholeweka. -Kukhona kuhleleka lokutsite kanye nekubumbana nesingeniso, umtimba nesiphetho.	-Imphendvulo legcwele kuhlahlatsa. -Imibono ayihlangani, iyadidana. -Abukho bufakazi bekuhleleka nekubumbana.	-Awukho namncane umzamo wekuphendvula ngesihloko. -Yonkhe imphendvulo iyanhlahlatsa, ayemukeleki -Akuvakali, kuhlanguhlangene.

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA	14–15	11–12	8–9	5–6	0–3
Kuhambelana kwemoya irejista, sitayela, silulumagama nenhlalo nesimongcondvo. Kusetjentiswa kwelulwimi, timphawu tekufundza nekubhala, luhlelo, sisipelingi (impelelomagama.)	-Umoya, irejista, sitayela nesilulumagama kuhambelana nenhlalo, tetsameliwati nesimongcondvo ngemalengiso lababatekako. -Lulwimi lolunekutetsemba lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute -Kunekuticambela lokungemalengiso lasetulu kakhulu.	-Umoya, irejista, sitayela nesilulumagama kuhambelana nenhlalo, tetsameliwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelweni lelisetulu.	-Umoya, irejista, sitayela nesilulumagama kuhambelana nenhlalo, tetsameliwati nesimongcondvo. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentiswe kunotsisa lokucuketfwe.	-Umoya, irejista, sitayela nesilulumagama akuhambelani nenhlalo, tetsameliwati nesimongcondvo. -Kusetjentiswa kwelulwimi kusacatfuta. -Umoya nekuhketseka kwemagama akwemukeleki. -Silulumagama sincane kakhulu.	-Lulwimi aluvakali -Umoya, irejista, sitayela nesilulumagama. -akuhambelani nakancane nenhlalo, tetsameliwati nesimongcondvo. -Silulumagama sincane ngendlela yekutsi lokubhaliwe akulandzeleki.
SA EXAM PAPERS	13	10	7	4	
Lizinga lelisetulu ngalokungababateki	-Lulwimi lusetjentiswe ngemalengiso nangalokuveta umoya lokhutsatoko ngemphumelelo. -Esikhatsini lesinyenti emaphutsa eluhlelo nesipelingi awekho. -Kuticambela kungemalengiso.	-Lulwimi lusetjentiswe ngemphumelelo lesecophelweni lelisetulu. -Umoya uyemukeleka futsi uneligalelo lelemukeleki. -Emaphutsa eluhlelo nesipelingi ambalwa. -Icambeke kahle.	-Lulwimi lusetjentiswe ngalokwenetisako kodvwa ngalokungatani embhalweni wonkhe. -Imvamisa umoya wemukeleki, emasu ebugagu belulwimi asetjentiswe kancane.	-Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.	

IRUBHRIKI YEKUHLOLA INDZABA YELULWIMI LWASEKHAYA [50 EMAMAKI] (iyachubeka)

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0-1
Timphawu tetheksthi. Kutfutukiswa kwetindzima nekwaqiwa kwemisho.	-Sihloko sitfutukiswe ngemalengiso. -Imininingwane yefutlwe ngemalengiso. -Imisho netindzima kwakheke ngemalengiso lababatekako.	-Imininingwane ifutukiswe ngalokuhlelekile. -Kunekubumbana. -Imisho netindzima kuhlelekile futsi kutinhlambonhlambo.	-Imininingwane ihambisana nesihloko. -Imisho netindzima kwakheke kahle. Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingekile asilele. -Imisho netindzima kunemaphutsa. -Indzaba ayinamcondvo.
5 EMAMAKI					

SIGABA B: EMATHEKSTHI EMIBHALOMBIKO LEMIDZE (25)

IRUBHRIKI YEKUHLOLA ITHEKSTHI YEMIBHALOMBIKO LOMUDZE WELULWIMI LWASEKHAYA (LIPHEPHA LE-3, SIGABA B & C (25 EMAMAKI))

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO -Imphendvulo nemibono -Kuhleleka kwemibono -nakulungiseleliwa kubhala -Imfiso, tetsameliwati, -timphawu/timiso, -nesimongcondvo.	13-15 -Imphendvulo lengemalengiso lababatekako. -Imibono ivutsiwe, inekuhlakanipha lokukhombisa kucabanga lokujulile. -Lwati lolungemalengiso lwetimphawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebumbene ngemalengiso. -Yonkhe iminingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	10-12 -Imphendvulo lesecophelweni lelisetulu lekombisa lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco – awutsemeleti. -Lokucuketfwe kunemibono lebumbene ngelicophelo lelisetulu. -Iminingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	7-9 -Imphendvulo leyenetisako, lekombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye iminingwane iyasesekela sihloko. -Sakhiwo siyenetisa kodvwa sinemaphutsa latsite.	4-6 -Imphendvulo lecatfutako lekombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa iminingwane leyesekele sihloko. -Imitsetfo netimiso letibalulekile tesakhiwo setheksthi atikalandzelwa ngalokufanele. -Kunyenti lokubalulekile lokusilele.	0-3 -Imphendvulo ayikhomibisi nakancane kuba nelwati lwetimphawu teluhlobo lwetheksthi lebhawako. -Inshokutsi iyanhlanhlatsa igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu iminingwane leyesekele sihloko. -Imitsetfo netimiso tesakhiwo setheksthi letibalulekile atikalandzelwa nakancane.
LULWIMI, SITAYELA YEKUHLUNGWA KWEIMAPHUTSA -Umoya, irejista, sitayela, nenhlalo, tetsameliwati nesimongcondvo -Imfiso nekusetjentiswa kwelulwimi -Kukhetseka kwemagama Timphawu tekufundza nekubhala nesipelingi	9-10 -Umoya, irejista, sitayela nesilulumagama kuhambelana ngemalengiso nenhlalo, tetsameliwati nesimongcondvo. -Luhlelo alunamaphutsa kantsi futsi icambeke kahle. -Esikhatisini lesinyenti akunamaphutsa.	7-8 -Umoya, irejista, sitayela nesilulumagama kuhambelana nenhlalo tetsameliwati nesimongcondvo. ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	5-6 -Umoya, irejista, sitayela nesilulumagama kuhambelana nenhlalo tetsameliwati nesimongcondvo ngalokwenetisako. -Kunemaphutsa eluhlelo. -Silulumagama lesenetisako. -Emaphutsa akayiphazamisi inshokutsi.	3-4 -Umoya, irejista, sitayela nesilulumagama akuhambelani kahle nenhlalo tetsameliwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	0-2 -Umoya, irejista, sitayela nesilulumagama akuhambelani nakancane nenhlalo tetsameliwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhlalo. -Inshokutsi ihlangahlangene kakhulu.

10 EMAMAKI

Emalungelo agodiwe